

No. 200. 1266. 12. Dec.

P. Clemens beauftragt den B. Witego über die Verhältnisse des Clerikers Dietrich von Hain, der vormals unter Vorbehalt des Rücktritts in den Dominicanerorden eingetreten, denselben aber während der Probezeit ohne ein Gelübde abgelegt zu haben wieder verlassen, Erörterungen anzustellen und ihn, wenn seine Angaben auf Wahrheit beruhen, zur Beseitigung der ihn treffenden üblen Nachrede von der Verpflichtung zum Eintritt in den Orden freizusprechen.

Clemens episcopus servus servorum dei venerabili fratri .. episcopo Misnensi salutem et apostolicam benedictionem. Sua nobis Theodericus de Indagine clericus tuae diocesis petitione monstravit, quod ipse olim ea intentione intravit ordinem praedicatorum, ut si post experientiam placeret sibi eiusdem ordinis disciplina vinculo se professionis astringeret, alioquin liberum haberet arbitrium ad statum pristinum revertendi. Verum idem clericus ordini praedicto affectum non applicans, ipsum nulla inibi facta professione infra tempus probationis exivit. Ceterum quia nonnulli vas nitentes incrustare sincerum interdum calumpniae tenebris lucem veritatis obnubilant, ne quis aemulus in ipsum propter hoc aliquid detractionis impingat, supplicavit humiliter, sibi super his apostolicae sedis providentia subveniri. Quia vero de facto et facti circumstantiis habere poteris notitiam plenioram, fraternitati tuae per apostolica scripta mandamus, quatinus nisi de praefato Theoderico per religionis habitum qui dari profitentibus consuevit aut professionem expressam seu alias evidenter appareat, quod absolute voluerit vitam mutare ac in religione perpetuo domino deservire, denunties eum per praemissum statum novitii ad regularem observantiam non teneri. Datum Viterbii II. Idus Decembris pontificatus nostri anno secundo.

Nach dem Orig. im K. Haupt-Staatsarchiv zu Dresden mit dem Bleisiegel an hänfener Schnur.

No. 201. 1267. 27. Febr.

Der Abt und Convent des Klosters Sichem (Sittichenbach) verkaufen an den B. Witego und die Domkirche vier Dörfer mit allen Rechten für 240 Mark.

Frater Wernerus abbas, Philippus prior, Johannes celerarius totusque conventus Sychemensis ordinis Cisterciensis Halberstadensis diocesis omnibus praesentem paginam inspecturis salutem in domino. Omnium habere memoriam et rem gestam perhenniter memoriae commendare potius divinitatis quam humanitatis existit, et ideo ne ea, quae a nobis rationabiliter gesta sunt, oblivioni tradantur, scripti patrocinio confirmantur. Hinc est quod ad notitiam praesentium et ad memoriam futurorum notum facimus universis et praesenti pagina protestamur, quod nos villas quatuor videlicet Zultewitz, Scepitz, Bredowe, Blossitz^{a)} ad ius et ad proprietatem nostri monasterii tunc libere pertinentes, sitas a latere infra Ilbore et Lubanitz, habentes quadraginta unum et dimidium mansum, quemlibet in annuo censu dimidiam marcam boni argenti et albi annis singulis solventem venerabili domino Witegoni episcopo Misnensi nomine suae ecclesiae traditione possessionis subsecuta vendidimus et alienavimus cum omnibus

a) Ziltz, Schepstedt, Bredau, Lasitz, sämmtlich jetzt wüste Marken bei Krippenhna, zwischen Eilenburg und Löbnitz.
COD. DIPL. SAX. II. I. 21